

Broj: 01-11-11-03312-2/2023
Sarajevo, 20.7.2023. godine

Na osnovu člana 64. stav (1) tačka b), člana 70. st. (1), (3) i (6) Zakona o javnim nabavkama Bosne i Hercegovine („Službeni glasnik BiH“, br. 39/14 i 59/22), te člana 9. Pravilnika o uslovima i načinu korištenja e-aukcije („Službeni glasnik BiH“, broj 66/16), nakon razmatranja Preporuke Komisije za javne nabavke 01-11-11-03809-6/2022 od 30.8.2022. godine, Direktor Federalne uprave za inspekcijske poslove u ime ugovornog organa, donosi,

O D L U K U

o izboru najpovoljnijeg ponuđača i dodjeli ugovora o nabavci roba – kancelarijski materijal

Član 1.

Prihvata se preporuka komisije za javne nabavke uprave broj 01-11-11-03312-1/2023 od 19.7.2023. godine, te se ugovor o nabavci roba – kancelarijski materijal po provređenom postupku konkurentskog zahtjeva za dostavljanje ponude uz primjenu e-aukcije dodjeljuje ponuđaču „Office suport“ d.o.o. Sarajevo, čija ponuda broj 340/23 od 12.7.2023. godine je ocijenjena najpovoljnijom.

Član 2.

Ugovor sa ponuđačem „Office suport“ d.o.o. Sarajevo, zaključit će se pod slijedećim uslovima:

- Ukupna cijena bez uračunatog PDV-a 15.900,00 KM, odnosno 18.603,00 KM sa uračunatim PDV-om
- Isporuca roba će se vršiti sukcesivno u skladu sa potrebama Ugovornog organa u roku od 3 (tri) dana od dana prijema pismene narudžbe
- Mjesto isporuke roba je sjedište ugovornog organa u Sarajevu, Fehima ef. Čurčića broj 6
- Ugovor će se zaključiti na period od 1 godine od dana obostranog potpisivanja ugovora, odnosno do maksimalno ugovorenog iznosa
- Rok plaćanja je 30 dana od dana prijema fakture za isporučene robe na protokol Ugovornog organa.

Član 3.

Ponuđač „Office suport“ d.o.o. Sarajevo je dužan u roku od 5 (pet) dana od dana prijema ove odluke dostaviti uvjerenja nadležnih organa kojim dokazuje slijedeće činjenice:

- uvjerenje nadležnog suda da nije pravomoćnom sudskom presudom u krivičnom postupku osuđen za krivična djela organiziranog kriminala, korupcije, prijevare ili pranja novca u skladu sa važećim propisima u Bosni i Hercegovini
- uvjerenje nadležnog suda da nije pod stečajem, odnosno da nije predmet stečajnog postupka ili predmet likvidacijskog postupka
- uvjerenje nadležne poreske uprave na osnovu koje se može utvrditi da uredno izmiruje obaveze za penziona i invalidsko osiguranje i zdravstveno osiguranje
- uvjerenja nadležnih organa da uredno izmiruje obaveze po osnovu direktnih i indirektnih poreza.

Dokazi iz prethodnog stava ovog člana se dostavljaju kao original ili ovjerena kopija i moraju sadržavati potvrdu da je ponuđač u momentu predaje ponude ispunjavao uslove na koje se odnose isti, te će u slučaju da u ostavljenom roku ne dostavi tražene dokaze ili iste ne dostavi na način i u formi kako je to traženo ovim članom biti isključen iz daljeg učešća u postupku zbog neispunjavanja uslova za kvalifikaciju.

Član 4.

Ova odluka će se objaviti na web stranici Federalne uprave za inspekcijske poslove.

Obrazloženje

Na osnovu odluke direktora Federalne uprave za inspekcijske poslove broj 01-11-11-03312/2023 od 1.6.2023. godine pokrenut je postupak konkurentskog zahtjeva uz primjenu e-aukcije za nabavku roba-kancelarijski materijal za potrebe Federalne uprave za inspekcijske poslove, a ista je predviđena Planom nabavke Federalne uprave za inspekcijske poslove za 2023. godinu – robe, redni broj 1, JRJN 30192000-1. Procijenjena vrijednost nabavke iznosi 17.200,00 KM, bez uračunatog PDV-a.

Obavještenje o javnoj nabavci je dana 12.6.2023. godine objavljeno na portalu javnih nabavki, broj obavještenja 1292-7-1-11-3-7/23, ispravka obavještenja je objavljena dana 5.7.2023. godine na portalu javnih nabavki BiH, a u Službenom glasniku BiH broj 47/23 dana 7.7.2023. godine, broj obavještenja 1292-7-1-11-8-10/23.

Dana 12.7.2023. godine izvršeno je javno otvaranje blagovremeno pristiglih ponuda, te je u zapisniku sa otvaranja ponuda konstatovano da su ponude dostavili slijedeći ponuđači sa pročitanim vrijednostima ponuda:

Naziv/ime ponuđača	Koverta ispravno zat. i potp. Ili opečaćena	Ukupna cijena ponude (bez PDV-a)
„Office suport“ d.o.o. Sarajevo	Da	17.107,40 KM
„Svjetlost Sars“ d.d. Sarajevo	Da	17.199,70 KM

Komisija je konstatovala da nije bilo neblagovremeno pristiglih ponuda.

Javnom otvaranju ponuda nije prisustvovao predstavnik nijednog od ponuđača koji su dostavili ponude, a zapisnik sa otvaranja ponuda je odmah putem pošte otpremljen na adrese ponuđača.

Komisija je izvršila provjeru kompletnosti i ispravnosti ponuda, na način da su provjeravani način uvezivanja, primjena propisane forme dokumenata koji su sastavni dio ponude, validnosti ponude, potpis ponude i ovjera, te je izvršen pregled i provjera garancija, obrazaca i drugih dokumenata, kojom prilikom je utvrdila da su naprijed navedeni ponuđači dostavili uredne ponude u skladu sa zahtjevima tenderske dokumentacije, te da ne postoje razlozi za odbacivanje ponude bilo kojeg od ponuđača.

U daljem toku postupka Komisija je izvršila provjeru računске ispravnosti dostavljenih ponuda, te tom prilikom nije utvrdila računске greške u ponudama.

Postupak e-aukcije je zakazan za dan 17.7.2023. godine sa početkom u 10,00 sati i isti je prema izvještaju AJN trajao do 10,42 sati. Komisija je na nastavku sjednice izvršila uvid u Izvještaj o toku i završetku e-aukcije iz kojeg je utvrdila da je postupak e-aukcije uspješno proveden, te je u izvještaju utvrđena konačna rang lista ponuđača koji su učestvovali u postupku e-aukcije, kako slijedi:

Naziv /ime ponuđača	Cijena sa otvaranja (bez PDV-a)	Evaluirana cijena (KM)	Umanjenje cijene u %	Suštinski odgovarajuća ponuda (DA/NE)	Rang
„Office suport“ d.o.o. Sarajevo	17.107,40 KM	15.900,00 KM	7,06 %	DA	1
„Svjetlost Sars“ d.d. Sarajevo	17.199,70 KM	15.980,00 KM	7,09 %	DA	2

Kako je kriterij za dodjelu ugovora u konkretnom slučaju „NAJNIŽA CIJENA“, komisija je ocijenila da je najpovoljnija ponuda ona koju je dostavio ponuđač „Office suport“ d.o.o. Sarajevo. Istovremeno je izvršena provjera prihvatljivosti kako pojedinačnih, tako i ukupne ponuđene cijene, kojom prilikom je utvrđeno da je ponuda sa aspekta ponuđenih cijena prihvatljiva, te je direktoru Federalne uprave za inspekcijske poslove dala preporuku broj 01-11-11-03312-2/2023 od 19.7.2023. godine kojom je predloženo da u ime ugovornog organa donese odluku kojom će ugovor o nabavci roba– kancelarijski materijal dodijeliti navedenom ponuđaču.

Nakon razmatranja dostavljene preporuke Direktor Federalne uprave za inspekcijske poslove nije našao razloge, nepravilnosti niti propuste u radu koji bi eventualno predstavljali osnov za neprihvatanje preporuke komisije za javne nabavke, te je odlučio kao u dispozitivu.

Pouka o pravnom lijeku: Protiv ove odluke može se izjaviti žalba ugovornom organu u pismenoj formi u roku od 5 (pet) dana od dana prijema iste

Dostaviti:

- 21-07-2023
1. „Svjetlost - Sars“ d.d Sarajevo, Muhameda Kantardžića broj 3, 71000 Sarajevo
 2. „Office suport“ d.o.o. Sarajevo, Tvornička 3, 71210 Ilidža
 3. Sektor za materijalno-finansijske poslove
 4. Sektor za tehničku podršku i plansko-analitičke poslove
 5. Komsija za javne nabavke (a/a)



DIREKTOR

Anis Ajdinović

Anis

